


սինձ⁶⁹ անուշահոտ բույսի տերևների վրա, ապա սկսում էին կերակրել թթի տերևներով, սկզբում մանրացած, ապա ամբողջական տերևներով, առանց ճյուղերի, վերջն էլ ճյուղերից չպոկած: Գերադասում էին թարմ ճյուղերի վրա բացված տերևները, որոնք ավելի նուրբ և հյութալի են լինում: Այդ պատճառով թթի ծառից հին ճյուղերը ցափառավ կտրտում էին և թթի ծառերի սաղարթը երբեք ճոխ չի լինում: Հետևում էին, որ տերևը լինի մաքուր և չոր: Տերևները փովում էին սկզբում պղնձե սինինների և ապա շաքանների վրա և տան մեջ՝ գետնին:

Բոժոժները հյուսվում էին ավելների վրա: Բոժոժը վաճառքի էր հանվում: Մի փոքր մասը պահվում էր տանը՝ ջեջիմ, գլխի շալ, շարդաք պատրաստելու համար՝ թելը իլիկով ոլորելուց հետո:

Սակայն հաճախ հատուկ գետեղարան էր կառուցվում շերամը կերակրելու և պահելու համար: Դա կոչվում էր կնւմ՝ գոմ: Մի քառանկյունի տարածություն ընտրելով, երեսը մաքրում էին խոտից և հավասարեցնում:

Շերամը պահելու համար չորս անկյուններում տնկվում էին երկձեղ՝ հեշա՝ գլուխ ունեցող սյուններ, մի գույգը մոտ 2,5—3,0 մ, դիմացի գույգն ավելի կարճ, մոտ 1,5—2,0 մ բարձրությամբ: Թե՛ առաջին և թե՛ երկրորդ գույգ սյուների վրա ձգվում էին հորիզոնական դիրքով մի-մի հաստ ձող, հրապարակի երկար կողմերով, ապա այդ մի ձողից դեպի մյուսը իրար կողքի շարում էին մոտիկ-մոտիկ ավելի բարակ ձողեր և ամբողջը ծածկում էին խոտով կամ ծղոտով: Կողքերը լցնում էին ցցերով, որոնց վրա հյուսվում էին հիպոսներ: Անձրեային կամ ցուրտ օրերին այդ սրահի կողերը ծածկում էին դրսից թաղիքներով և փալասներով, որպեսզի ճիճուն չմտնի:



Գծ. 10. Շերամի կնւմ՝ գոմ:

Աշխատում էին բարձրաձայն շահաշվել ճիճուների թիվը շաք աչից պաշտպանելու համար:

Ենթադրվում էր, որ գողացած տերևով մեծացրած ճիճվի բոժոժն ավելի խոշոր և հաստ է լինում:

⁶⁹ *Tragopogon pratensis*.